

ABSTRAK

Gerakan Islam Timur Tengah telah memainkan peranan penting mempengaruhi pemikiran agama dan politik masyarakat Melayu. Di antara sumbangan besar pemikiran gerakan Islam tersebut ke atas masyarakat Melayu ialah kefahaman Islam sebagai *nizām al-hayāh*. Konsep tersebut diguna pakai oleh gerakan dakwah tempatan dalam menghadapi pengaruh sekularisme dalam masyarakat Melayu sebagaimana pendekatan yang serupa pernah dilakukan oleh gerakan Islam Timur Tengah sebelumnya. ABIM dan PAS merupakan dua organisasi Islam yang bergiat secara aktif mempengaruhi pemikiran agama dan politik masyarakat Melayu dengan ABIM menggunakan pendekatan dakwah sementara itu PAS pula menggunakan pendekatan politik. Dalam usaha mencapai matlamat menegakkan *ad-dīn wa ad-dawlah*, terdapat dua pendekatan utama yang dilaksanakan iaitu moderat dan radikal. Pendekatan moderat mengambil pendekatan dakwah dan tarbiah yang diperkenalkan oleh gerakan dakwah pada awal dekad tahun 1970-an melalui pendekatan usrah, tamrin, syura, ‘amal jamā‘iy, amar ma‘rūf, nahi mungkar, penghayatan al-ma’thūrāt dan sebagainya. Implikasi gerakan dakwah ini ialah persepsi masyarakat Melayu terhadap pemikiran agama dan politik berubah secara beransur-ansur menerima Islam sebagai *nizām al-hayāh*. Walaupun demikian, pada akhir tahun 1970-an dan awal tahun 1980-an, beberapa pendekatan radikal ‘ala Timur Tengah’ telah mempengaruhi gerakan politik Islam tempatan seperti pendekatan takfir, *luzūm al-jamā‘ah*, hizbuLLāh dan slogan negara Islam. Pada awal dekad tahun 1980-an, ABIM mula membebaskan diri daripada uslūb gerakan Islam Timur Tengah dengan membentuk manhaj tersendiri iaitu ‘Manhaj Maliziy’ yang mengakibatkan berlaku konflik antara aliran moderat dan radikal. Sementara itu, pada dekad tahun 1990-an, PAS pula mula membebaskan diri daripada uslūb gerakan Islam Timur Tengah dengan membentuk ‘Manhaj Siyāsī Maliziy’ yang tersendiri dengan mengambil ‘pendekatan ummah’ menjauhi ‘pendekatan jemaah’. Pada akhir dekad tahun 1990-an gerakan Islam bersatu dalam satu saf yang memperjuangkan keadilan politik dan sosial menentang pemerintahan yang didakwa telah menyimpang daripada amalan demokrasi dalam erti kata yang sebenar.

Abstract

The Islamic movement in the Middle East had widely influenced the religious and political thought of the Malay society. One of the main contributions of such movements on the Malay society is the understanding of Islam as a way of life. This concept is applied by the dakwah movements here in facing the influence of secularism on the Malay society which has been implemented by the previous movements in the Middle East. ABIM and PAS are two such organizations actively involved in pursuing the religious and political thought of the Malay society whereby ABIM visioned the dakwah approach while PAS chose the political approach. Both moderate and radical approaches were implemented in order to achieve their slogan *ad-dīn wa ad-dawlah*. The moderate approach used the dakwah and *tarbiyyah* which was introduced by the dakwah movements in the 1970's. This includes *usrah*, *tamrīn*, *syūra*, *'amal jamā'iy*, *amar ma'rūf*, *nahī mungkar*, *al-ma'thūrat* and others. The impact of this dakwah movement is the gradual changes in the perceptions of the Malay society's religious and political thought in accepting Islam as *nizām al-hayāh*. However, in the late 1970's and early 1980's, some radical approaches of the Middle East had influenced the local Islamic political movements such as *takfir*, *luzūm al-jamā'ah*, *hizbuLLāh* and slogan of 'Islamic country'. In the early 1980's, ABIM started to relieve itself from the *uslūb* of the Middle East Islamic movements by forming its own manhaj called '*Manhaj Maliziyy*' which caused a conflict between those moderate and the radically aligned factions. In the 1990's, PAS began to detach itself from the middle eastern *uslūb* movement by forming its own '*Manhaj Siyāsi Maliziyy*' by pursuing the '*ummah* approach', thus distracting itself from the '*Jamā'ah* approach'. At the end of 1990's, the Islamic movements were united under single front propagating social and political justice against the government that seems to be drifted away from the actual practice of democracy.